

光緒
湖北
興地
記



光緒湖北
輿地記
四卷
廿



光緒二十年湖
北輿圖局纂刊



湖北形勝說



湖北北界河南西北界陝西西界四川南界湖南東南界江西東界安徽準以烏道南北七百里東西一千四百里江水西自四川巫山縣東流入竟行一千九百五十七里東出爲江西南徽界全省之竟乃分爲江南江北漢水自陝西白河縣東南流入竟行一千五百三十七里至漢口入江江北之地又分爲漢東漢西以武昌爲會垣卽古夏口城也當江漢之合流背山面河甚得扼束古今恆視爲兵衝要地江左孫氏及南朝偏安者固以夏口爲必爭之所而唐之中葉淮汝多事亦於鄂州置軍府視爲雄鎮焉宋南渡後所守雖重襄陽而論者謂鄂州爲江湖之衝西北捍郢西南拒岳西達江陵東蔽九江表裏扞蔽最爲強固及蒙古之渡江也伯顏亟取鄂城而城之東南之勢遂不支是武昌形勝誠爲切要矣江之上游爲荊州漢之上游爲襄陽荊州扼全楚之咽喉襄陽爲天下之要呂楚都於郢今江陵也竟能西控黔巫東連江淮北略陳蔡是楚用荊州而爲天下雄國然楚所由得肆其蠶食者以漢東皆小國齊晉方馳騁北方未暇南顧也不然蕭繹蕭琮有荊州而存亡寄於他人蕭統有荊州而敗滅曾不旋踵五季荆南亦不克少振是荊州雖得地利亦存乎其人其時何如耳自來立國東南者常倚長江爲天塹而長江之外蔽東有淮西有漢襄陽據漢之津要南人得之可以圖中原北人得之亦藉以窺江左故漢上之襄陽與淮上之壽春東西屹立並爲重鎮然此就南北分爭而言論者遂謂省會之設於武昌不如設於襄陽之爲得勢是又不然夫武昌心腹也襄陽手足也重手足以衛心腹則可移心腹置於

手足則偵矣要之武昌荊州襄陽同爲湖北要地如鼎足然荆扼江而不能扼漢襄扼漢而不能扼江武扼江漢之會可以制東南之命可以交南北之衝非特吳楚所憑陵實爲四方之輻輳觀此則知所輕重矣烏可舍武昌之全而就襄陽之偏哉襄陽之西有鄖陽古上庸也楚有上庸而商洛以固秦取上庸而鄖郢不守其地北倚南山南傍巴山界連川陝名曰老林流逋伏莽每恃爲淵藪故前明曾設重臣鎮撫之襄陽之東有德安之三關黃州之五關三關古大隧直轅冥阨也南北朝均視爲重險卽所謂義陽三關五關南宋設以禦金人者卽古五水蠻所據蓋長淮之南大江之北壽春之西襄陽之東有長山繇亘爲楚豫之限此三關五關所由有也荊州之西有荆門虎牙有西陵楚蜀門戶也岑彭之所攻陸遜之所守王濬楊素之所由東下蓋西塞也荊州之東南武昌之西南有岳州地雖屬於湖南實插入武昌荊州二郡間當監利之南岸爲華容巴陵臨湘沿江約二百餘里所以隔湖北江南之地爲東西二段者也守湖北而不守岳州則荆武之聲勢不通且自岳州順流東下直指武昌中間更無險可憑故唐人以岳鄂二州並稱衝要蓋有輔車之勢焉武昌之東有廣濟之田家鎮兩岸夾山江流迂回湍激漢伍被言守下雒之城下雒在今興國之富池口卽東北對田家鎮者而歷來言形勢者多在九江蓋田家鎮鄂之東門也九江門外之屏蔽也禦人者當禦之於門外故重九江守險者可不計及歟

光緒湖北輿地記目錄

湖北形勝說

武昌府輿地記一

光緒湖北輿地記一

江夏

武昌府輿地記二

光緒湖北輿地記二

武昌

嘉魚

蒲圻輿地記一

光緒湖北輿地記三

武昌府輿地記三

光緒湖北輿地記三

咸寧

崇陽

通城

光緒湖北輿地記目錄

武昌府輿地記四

光緒湖北輿地記四

興國州

大冶

通山輿地記一

光緒湖北輿地記五

漢陽府輿地記一

光緒湖北輿地記五

漢陽

漢川

漢陽府輿地記二

光緒湖北輿地記六

黃陂

孝感輿地記一

光緒湖北輿地記一

沔陽州

黃州府輿地記一

光緒湖北輿地記七

黃岡

黃安

黃州府輿地記二

光緒湖北輿地記八

蘄水

羅田輿地記二

光緒湖北輿地記十三

麻城

黃州府輿地記三

光緒湖北輿地記九

蘄州

廣濟

黃梅輿地記二

光緒湖北輿地記十一

德安府輿地記一

光緒湖北輿地記十

安陸

光緒湖北輿地記目錄

二

雲夢

應城輿地記一

光緒湖北輿地記十一

德安府輿地記二

光緒湖北輿地記十一

應山

隨州

荊州府輿地記二

光緒湖北輿地記十二

江陵

荊州府輿地記二

光緒湖北輿地記十三

公安

石首輿地記二

光緒湖北輿地記八

監利

松滋

荊州府輿地記三

光緒湖北輿地記十四

枝江

宜都

宜昌府輿地記一

光緒湖北輿地記十五

東湖

歸州

長陽

宜昌府輿地記二

光緒湖北輿地記十六

興山

巴東

鶴峰州

長樂

光緒湖北輿地記目錄

三

施南府輿地記一

光緒湖北輿地記十七

恩施

宣恩

來鳳

咸豐

利川

建始

安陸府輿地記一

光緒湖北輿地記十八

鍾祥

潛江

安陸府輿地記二

光緒湖北輿地記十九

天門

京山

荊門州輿地記一

光緒湖北輿地記二十

荊門州

當陽

遠安

襄陽府輿地記一

光緒湖北輿地記二十一

襄陽

宜城

襄陽府輿地記二

光緒湖北輿地記二十二

南漳

棗陽

穀城

光緒湖北輿地記目錄

四

光化

均州

鄖陽府輿地記一

光緒湖北輿地記二十三

鄖縣

房縣

鄖陽府輿地記二

光緒湖北輿地記二十四

竹山

竹谿

鄖西

保康

武昌府輿地記一

光緒湖北輿地記一

武昌府

禹貢荊州之地職方爾雅亦屬荊州周屬楚世本楚子熊渠封子紅於鄂今武昌縣也左傳昭四年吳伐楚沈尹射奔命於夏洎五年遠射以繁揚之師會於夏洎宣十一年楚封陳鄉取一人焉以歸謂之夏州史記楚考烈王元年秦取夏州杜預言夏洎卽夏口車允言夏口城北數里有夏州孔穎達言州在江中是夏洎卽今漢口夏州卽舊時之鸚鵡洲夏洎雖在江北名實被於江南也秦爲南郡地漢爲江夏郡之沙羨鄂下雉三縣及長沙郡之下雋縣東境屬荊州部而沙羨縣治卽今府城三國爲吳武昌郡之武昌下雉沙羨陽新四縣長沙郡之蒲圻下雋二縣均屬荊州蓋建安十九年吳蜀分荊州吳得長沙江夏桂

光緒湖北輿地記一

一

陽三郡地始改漢江夏郡之鄂縣爲武昌分鄂縣置新城旋改爲陽新以與下雉沙羨及廬江郡之尋陽豫章郡之柴桑共六縣爲武昌郡治武昌又分漢長沙爲三郡而長沙郡領十縣分沙羨西境置蒲圻度長沙分下雋西境置巴陵而吳下雋盡在府境矣於是吳自建業徙都武昌黃龍元年於此卽尊位還都建業太子登畱守武昌嘉禾元年太子還建業立王子奮爲齊王居武昌後徙居豫章甘露元年歸命侯又都之旋還建業吳大帝復省沙羨於舊治築夏口城亦曰魯口屯以對岸夏水魯山爲名置督將於此三國爭衡實爲吳之要害是則今武昌常爲吳行都今江夏則爲吳重鎮焉晉仍置武昌郡治武昌但復鄂縣於武昌縣之西復沙羨分西境爲沙陽并下雉入陽新置官陵於是府境爲武昌郡之武昌陽新沙羨沙陽鄂官陵六縣

長沙郡之蒲圻下雋二縣均屬荊州後武昌屬江州長沙屬湘州然荊州刺史如庾翼劉道規管理夏口以地居形要耳江左分晉江夏郡之安陸置沌陽孝昌瀉陽三縣分雲杜置惠懷縣改武昌郡之沙羨爲汝南度武昌郡之沙陽長沙郡之蒲圻置江夏郡復度長沙郡之巴陵下雋南郡之監利州陵置巴陵郡於是府境爲宋江夏郡之汝南沙陽蒲圻三縣巴陵郡之下雋一縣武昌郡之武昌鄂陽新

晉官陵并入陽新

三縣江夏郡治汝南武昌郡治武昌三郡均屬鄂州而刺史治夏口是今府境有兩郡

守一刺史矣齊因之但移江夏郡治於沙陽度江夏郡之孝昌爲南義陽郡治梁分郢州置北新州又分北新置土富涸泉濠五州未審所屬又分江夏郡之沙陽蒲圻二縣及巴陵郡之下雋縣地置樂化縣立上雋郡沙州領之又分武昌郡之武昌置

光緒湖北輿地記

二

安昌縣分陽新置國川縣仍屬武昌郡改陽新爲永興度江夏郡又以巴陵郡之州陵江夏郡之惠懷置州城郡以巴陵郡之監利置監利郡仍度齊南義陽郡之孝昌還江夏郡於是梁之江夏郡領汝南瀉陽沌陽孝昌永興五縣武昌郡領武昌鄂國川安昌四縣上雋郡領沙陽蒲圻樂化三縣巴陵郡領下雋巴陵二縣在今府境者爲武昌上雋兩郡及江夏郡之汝南永興巴陵郡之下雋縣耳陳因之無太更易但改上雋郡爲雋州復永興曰陽新

元和郡縣志永興縣下併陳永興故城在縣東五十里東臨江水蓋卽梁永興陳所改者

隋平

陳州郡俱廢改置鄂州旋復改州爲郡置江夏郡屬荊州蓋改汝南爲江夏廢鄂入武昌改陽新曰富川後改曰永興省安昌國川入之省下雋樂化沙陽入蒲圻均度江夏郡於是江夏郡領江夏武昌永興蒲圻四縣治江夏盡有今府境無他都錯入

矣唐武德四年平蕭銑改江夏郡爲鄂州天寶元年又改爲江夏郡乾元元年復爲鄂州屬江南西道永泰後置鄂岳觀察使元和中置武昌軍節度使恆以江夏爲理所又分蒲圻縣置唐年縣於是今府境爲唐鄂州之江夏永興武昌蒲圻唐年五縣後併沔州入鄂州以漢陽汊川來屬是鄂州又跨及江北矣五代於梁唐時鄂州屬吳於晉漢周時鄂州屬南唐後唐遙改武昌軍爲武清軍周於唐沔州地置漢陽軍蓋南唐無復有江北地也南唐陞蒲圻之鮎瀆鎮爲嘉魚縣江夏之永安鎮爲永安縣永興之大冶場爲大冶縣羊山鎮爲通山縣計南唐鄂州有江夏永安蒲圻唐年嘉魚武昌永興大冶通山九縣宋開寶中改唐年爲崇陽景德中改永安爲咸甯熙甯中陞崇陽之通城鎮爲通城縣又太平興國二年置永興軍明年改興國軍以鄂

州之通山大冶隸軍於是宋之鄂州領江夏崇陽武昌蒲圻咸甯通城嘉魚七縣治江夏隸荆湖北路興國軍領永興通山大冶三縣治永興隸江南西路其武昌軍節度荆湖北路安撫使均治鄂州尋北路安撫治江陵南渡後又嘗陞武昌縣爲壽昌軍元大德中改鄂州爲武昌路隸湖廣等處行中書省均治江夏至元中陞興國軍爲興國路總管府隸江西等處行中書省後割隸湖廣明太祖甲辰年二月改武昌路爲武昌府改興國路爲興國府洪武九年降興國爲州省永興入州治惟領二縣而隸於武昌府至是武昌府領一州九縣治江夏併爲湖廣布政使治所國初府州縣皆因明制惟康熙三年改湖廣布政使爲湖北布政使與總督湖北湖南部堂巡撫部院按察使糧鹽兩道均駐武昌府復以通山大冶徑隸武昌府而興國州無

所領矣於是武昌府治江夏在府南者爲咸甯爲通山在府西南者爲嘉魚爲蒲圻爲崇陽爲通城在府東南者爲武昌爲大冶爲興國幅員東西三百八十里南北三百四十里府城偏在

北邊距西南界爲最遠南界次之東南界爲最近

東至江西瑞昌縣界五百

二十五里西至漢陽府漢陽縣界七里南至湖南臨湘縣界四百里北至黃州府黃岡縣界七十二里東南至江西武甯縣治縣四百五十里西南至湖南平江縣治六百三十里東北至黃岡縣治一百八十五里西北至漢陽府黃陂縣治一百二十里

府境南界山北界江江自西南而東北又自東北而東南其東西均略與南界之山聯屬論者謂南背山如凭几然北面江如束帶然於此可觀形勢矣境內羣山無一部婁不出自界山者境內諸水無一涓滴不入於界水者故南界之山北界之江實支山支水之綱也欲張目者當先舉綱大江南之幹山自藏地入雲南東南入貴州又東爲湖南廣西界山過湘灘分流處入

光緒湖北輿地記

四

廣西境又東爲湖南廣東界山至湖南桂陽縣之東南廣東仁化縣之東北正幹東地爲大庾嶺止於鍾阜分支北地爲湖南

江西界山山西爲湖南之桂陽桂東鄱縣茶陵州攸縣山東爲江西之大庾崇義龍泉蓮花廳永甯永新北至攸水發源處又

東北入江西之萍鄉所歷爲武功山羅霄山豸跡山又北至鐵山復爲江西湖南界經瀏陽平江之東萬載義甯州之西至於

幕阜山湖北通城縣南五十里山也又名幕浮山周回五百餘里爲湖北湖南江西三省交跨處山之東修水出焉入鄱陽之水也山之西汨水出焉入洞庭之水也山之北雋水出焉入長

江之水也吳太史慈爲建昌都尉禦劉表從子槃於此置營幕

又南唐於此置長山寨以備潭朗蓋洪湘畫疆而守者恆視此爲扼要山東麓有天岳關由通城南出平江義甯路也自幕阜

東池曰黃龍山山北出菖蒲水又東北曰南樓嶺有卡通城南
出義甯路也嶺北出南樓水曰苦竹嶺有卡嶺北出鯉港水曰
大盤山方輿紀要言山嶺縈紆廣遠因各山西出林家坳水流
入通城者也山東出高枧水流入崇陽者也自幕阜至此爲通
城義甯界山又東曰臨河巖北出避原港曰小山界北出寒泉
港曰大湖山舊志言山有五湖蒹葭叢生朝嵐暮靄不見其頂
曰吳龜山北出大原水山東爲鋌子坵崇陽東出義甯路也又
西北曰金塘山西出金港水又東北曰居北山西出雙港水又
東南曰三界尖西北出大東港水流入雋水者也東北出龍會
水流入富水者也自大盤至此又爲崇陽義甯界山三界尖有
卡通山西南出義甯路也又東曰黃荆嶺有卡亦通山南出義
甯路也曰白羊尖北出富水曰大仰山北出西岫水曰大陽山

有卡亦通山南出義甯路也自三界至此又爲通山義甯界山
又東北曰將軍山北出大坵山水曰九宮山有卡爲通山南出
武甯路山盤亘八九十里方輿紀要言自下而上高峰九層故
名有試劍石雲關一天門雞翅關諸地皆險處也又東北至五
里凸山有卡亦通山東南出武甯路也轉而西北至石良山自
大陽至此爲通山武甯界石良東北出寶塘水轉而東曰依山
北出黃橋鋪水又東北曰富山曰黃土嶺自石良至此又爲興
國武甯界山又東南曰五鳳山北出龍港水又東北曰山棗嶺
北出木石港水曰陽鳥山曰橫立山西出石田鋪水曰界首興
國東出瑞昌路也自界首東池之大支止於廬阜卽禹貢所謂
至于敷淺原也北池小支止於鯉魚山興大江接自黃土至此
又爲興國瑞昌界山此府南界山興大江東南聯屬之勢也又

幕阜山西北一支曰石源山山北卽雋水源也又西曰徐家山北出了冲鋪水曰元鳥嶺其西麓通城南出平江路也曰張師山北出靈官市水自幕阜至此爲通城平江界山曰古崙峰轉而西北曰月田山東出石角鋪水其北麓通城西南出巴陵路也曰相師山東出左港水曰龍藏山東出龍藏港水又北曰石人山東出觀冲港水曰界頭山曰楚門界山東北出北港水界頭之北楚門之南有詹家橋市通城西出巴陵路也自張師至楚門又爲通城巴陵界山又東北曰東源洞山南出鐵東水曰箚姑山山勢懸亘數十里跨通崇臨湘三縣地山北有馬頸坳卽交界處也自楚門至此又爲通城臨湘界馬頸坳東出湛家港水又北曰龍窖山曰栗樹坡東南出城下港水曰十字坳自馬頸至此又爲崇陽臨湘界山十字坳之北新店水發源處也

泝游新店水西北行約二十四里爲羊樓司蒲圻西南出臨湘路也卽爲府城通湖南官驛新店水又東北入黃蓋湖注江以爲蒲圻嘉魚與臨湘之界此府南界山與大江西南聯屬之勢也界山旣明然後腹地支山可得而言也其支山之次者曰雋水富水閒山斧頭梁子兩湖閒山府境之正支也曰富水梁子閒山富水漳源閒山漳源梁子閒山正支所分之東支也曰雋水斧頭閒山正支所分之西支也曰雋水新店水閒山又西偏之小支也自通山崇陽南交義甯之三界尖迤北歷白師山靈女山兩山白羊山至蓮荷嶺爲通山崇陽界山東之水入富山西之水入雋自蓮荷東北至北山爲通山咸甯界山南之水入富山北之水入塗此所謂雋水富水閒山實正支之南段也自北山東北曰桃花尖卽鍾臺山舊志謂爲水經注之泰山一作

金山者又西北入咸甯境歷盤山茅山孟家山至於輞山北入江夏境西北歷岳公山鴿子山至於錦繡山山東之水入梁子山西之水入斧頭又北歷豐禾山官山羅伽山洪山而止於府城垣之黃鵠磯山西南爲鮎魚套口匯入之諸湖東北則青山口白澗口匯入之諸湖也此所謂斧頭梁子兩湖閒山實正支之北段也正支所分之東支則自鍾臺山東北至大墓山爲咸甯興國界自大墓東至馬橋坳爲武昌興國界山北之水入梁子山南之水入富水此所謂富水梁子閒山也自馬橋坳東北入大冶境歷象山至雲霞山東入興國境歷牛頭山白雲山至於父子山山南之水入富水山北之水入淦源又自父子山東北迤者止於淦源口南之淦山東南迤者止於富池口北之半壁山此所謂富水淦源閒山也又自馬橋坳西北入武昌境至

三角山轉而東北入大冶境歷大洪山至於犢山山西北之水入梁子山東南之水入淦源自犢山北迤者歷鐵山白雉山至於葛山北入武昌境而止於樊口南之西山又自犢山東歷黃荆山而止於西塞山此所謂淦源梁子閒山也正支所分之西支則自蓮荷嶺西迤至大竹山爲咸甯崇陽界自大竹西北入蒲圻境歷官塘山石塔山洪口山丁卯山至於茗山山西南之水入雋水山東北之水入斧頭自茗山北入嘉魚爲秦鐘山其東北迤者止於嘉魚縣城西北迤者止於陸口東之石頭山此所謂雋水斧頭閒山也其西偏小支則自蒲圻崇陽西交臨湘之十字坳東北至金紫山爲蒲圻崇陽界轉而西北入蒲圻境歷白石巖蒲首山大名山小柏山仙人洞西北入嘉魚境歷峽山而止於赤壁山山東之水入雋水山西之水入新店水此所

謂雋水新店水間山也此山之大略也其北界之江自湖南臨湘縣東北流入嘉魚境行二百三十里入江夏境行一百二十四里至青山北轉而東南流行五十里入武昌境行一百四十里入大冶境行四十里入興國境行八十里入江西瑞昌界其在嘉魚境也水口有島口陸口魚嶽山口北岸爲沔陽漢陽地其在江夏境也水口有金口鮎魚套口青山口白澗山口北岸爲漢陽黃陂黃岡地其在武昌境也水口有樊口北岸爲黃岡蘄水地其在大冶境也水口有漳口北岸爲蘄水蘄州地其在興國也水口有富池口北岸爲蘄州廣濟地其水口皆長流奔赴或匯爲湖泊延數百十里者若江旁小水及溝通之港不與爲江水入嘉魚西北流三十餘里卽島口受江水南注十五里匯黃蓋湖東傍蒲圻地爲岸湖壤爲嘉魚臨湘所共南北約二

十餘里南受出蒲圻西南十字坳之新店水島口東北爲陸口雋水入江之口也雋水一名陸水源出於通城幕阜山北麓北流行通城七十里至鐵束港口北入崇陽行百里至壺頭山西北入蒲圻行一百三十里至龍坑山北入嘉魚行三十二里爲陸口入江有港西通島口東達魚嶽山口蓋人力溝通之支津也陸口東北爲魚嶽山口港在魚嶽山下江水西南注匯爲七里湖北湖密泉湖大雅湖銅湖皆在嘉魚境延屬凡數十里無長源蓋江浦也魚嶽山口東北爲金口塗水入江之口也塗水一名金水源出咸甯之鐘臺山西北流百里入斧頭湖湖西受蒲圻嘉魚交界之西良湖東北受江夏之魯湖爲江夏咸甯嘉魚蒲圻四縣所跨南北約三十六里東西略如之而港汊屈曲所及者不計也斧頭湖北注江夏境爲長港行六十二里至金

口入江金口東北爲鮎魚套口在府城西江水南注爲巡司河分匯諸湖其西南池者爲黃家湖清甯湖野湖郭家湖神仙湖西湖東南池者爲南湖湯孫湖廟山湖紙坊湖入分湖延袤於府城南境東西約四十五里南北約三十里雖湖名不一而港汊皆通大略山與湖相閒山入湖中湖依山曲或謂江夏境內山以外皆湖湖之外卽山殆信然也鮎魚套口東北爲青山口港在青山西麓江水匯入爲沙湖郭鄭湖廟湖聯屬於城東北境約南北二十里東西十五六里內皆湖山錯入之壤也青山東南爲白澗口有東西兩港在白澗山西北麓江水匯入爲嚴東湖嚴西湖北湖所匯之地約方十餘里西距郭鄭諸湖甚近以烽火山至青山縣亘中間遂不相通耳白澗口東南爲樊口在樊山下江水西南注爲長港計七十里港兩旁爲黃州衛插

入武昌之地支汊旁通各湖如蔓繫瓜港北所注者爲淡湯湖馬橋湖魚湖楊莊湖鴨兒湖段塘湖車頭湖張家湖新港湖彭百湖龍家湖張百湖上塘湖七磯湖羅湖皆在武昌境內者港南所注者爲保安湖河涇湖三山湖石碧湖皆在大冶境內者港西至磨刀磯入梁子湖江夏武昌共跨之湖也武昌所跨者東西約十里南北約五十里其南一曰烏翎湖南受出咸甯之高橋水與出馬橋坳之金牛水梁子無長源水道高橋約行六七十里爲最長云江夏所跨者南北四十五里東西三十四里梁子之北匯兩湖南曰後湖東西三十二里南北十四里北曰吳塘湖東西二十八里南北十五里水匯三縣別湖旁出梁子其都名也夏水盛漲江流內灌汪洋一片周環殆七八百里僅樊口一港爲銷泄之處年來樊口淤塞水落而內湖之水不能

外注瀨湖之田多變為澤國論者謂宜疏濬樊口建築閘壩水漲則閉閘以禦江流水落則開閘以放積潦於農田不為無益云耳樊口東南曰漳源口大冶興國交界處也江水西南注二十餘里匯為漳源湖東西六十里南北僅十里湖南北均受小水無長源漳源東南為富池口富水入江之口也富水源出通山之白羊尖北流行通山境百一十里至界首東入興國境行二百里至富池口入江水北匯沫寨湖南湖歐家湖茅荻湖網湖水南匯東春湖西湖戎湖夾節湖舒湖大者方十里小者數里耳府境支流當以富水雋水為最長此水之大略也若夫旁阜支水尤為叢多詳見各縣專條兩山之間必有川焉大川之上必有涂焉地勢類皆然也茲取其理以明地形之略庶各縣所詳者於此見提挈焉

光緒湖北輿地記一

十

江夏縣

沿革

禹貢荊州江漢之地職方爾雅亦屬荊州周夷王時楚子熊渠

封子紅於鄂遂為鄂地春秋時屬楚謂之夏洎亦謂之夏州左傳

昭四年吳伐楚沈尹射奔命於夏洎五年遠射以繁揚之師會

於夏洎宣十一年楚復封陳鄉取一人焉以歸謂之夏州史記

楚考烈王元年秦取夏州是也杜預曰夏洎漢水曲入江處即

夏口矣說者謂當屬漢陽不應指江夏然唐之鄂州全境均在

江南而李吉甫謂鄂州為春秋時江夏蓋夏州雖在江北其

名實被於江南也車允曰夏口城北數里有州名夏州孔穎達

云州在大江中按秦為南郡地漢為沙羨縣地屬江夏郡荊州

當即古鸚鵡洲也在今武昌府治東北水經江水又東北至江

刺史漢沙羨縣西北沔水從北來注之鄆道元言黃鶴山東北

對夏口城魏黃初二年孫權所築對岸則入漢末沙羨為江夏

沔津故城以夏口為名亦沙羨縣治是也

郡治漢高帝六年置元和郡縣志安州漢為安陸縣高帝六年

分南郡置江夏郡於此後漢移理沙羨又言漢所理江夏郡前

書多言在安陸其雲夢縣東南四里涓水之北有江夏古城據

山川言之此城南近夏水餘趾寬大則前漢江夏郡所理也是
鄴李二氏均以前漢江夏治安陸漢書地理志後漢郡國志江
夏郡均領縣十四其一均曰江夏當治西陵鄭李所志何謂
安陸若以先書郡治論之則江夏當治西陵鄭李所志何謂
不盡如是也左馮翊先書高陵趙廣漢傳曰左馮翊右扶風皆
治長安韓延壽傳此高陵不翊郡治明矣然此猶皇國安馮翊
城三輔容可寄治梁國先書碭而梁孝王武傳言王居睢陽內
史韓安國亦從王在睢陽而睢陽居班志之第八審是班志郡
釋然矣江夏明矣漢治所陸漢郡治往非班志劉表據荆州以
漢舊注爲今漢陽城北之御月城觀孫權擊黃祖於沔口可知
偃月壘後乃沙羨縣治是也三國吳沙羨縣屬武昌郡尋省又
分沙羨置蒲圻縣屬長沙郡吳志建安二十五年吳大帝以下
爲武昌郡沈約宋志魏黃初三年孫權改鄂爲武昌經注引
九州記曰鄂今武昌也孫權以魏黃初元年自公安徙此改曰
武昌縣又以其年立爲江夏郡按魏黃初元年卽漢建安二十
五年鄭注與吳志合沈志以爲三年始改疑誤又沈志沙羨漢
舊縣吳省蓋漢末沙羨移治江北孫權於黃初元年置沙羨郡
以沙羨屬之二年權復於漢沙羨舊治築夏口城始省沙羨也

光緒湖北輿地記

元和郡縣志吳大帝分立蒲圻縣太平寰宇記吳黃武二年於
沙羨縣置蒲圻縣屬長沙郡沈志謂蒲圻爲晉大康元年立今
從不晉復立沙羨縣旋分置沙陽均屬武昌郡江州刺史志沈約宋
晉武帝太康元年復立治夏口沙陽二漢舊縣本名沙羨屬武
昌晉武帝太康元年更名又立沙羨而沙陽徙今所治水經注
沙陽縣本江夏之沙羨晉太康中改曰沙陽縣通典亦云晉武
改沙羨爲沙陽晉書地理志耳沙陽今嘉魚晉惠帝省立旋改
沙陽後又立沙羨而遷沙陽沙羨沙陽並立蓋吳帝省立荆州
昌郡屬焉然荆州刺史嘗理夏口元和郡縣志晉庾翼爲荆州
曾理於此義熙初劉義表以爲夏口二州之中地居形要控接
湘川邊帶漢沔請荆州刺史劉道規重夏口至六年自臨嶼徙
鎮江州既理蓋城故移荆州於夏口耳宋爲汝南縣江夏郡鄂
州刺史均治此陸元和郡縣志魏吳並置江夏郡吳治郢魏治安
昶徙江夏郡理之又晉於臨嶼山下置時陽縣江夏郡自城上昶
移理焉通鑑注宋白曰晉江夏郡治林障義熙元年徙夏口按
上昶沌陽皆安陸地故沈志言永初郡國及何志並治安陸沈
志又言汝南本沙羨土晉末汝南郡復立治夏口孝武爲汝南
縣沙羨漢舊縣吳省晉末汝南郡復立治夏口孝武爲汝南
年省併沙陽後以其地爲汝南實土水經注塗水西北流逕汝
南僑郡故城南咸和中寇難南逼戶口南渡因置斯郡治於塗
口元和志東晉以汝南流人僑立汝南郡後改爲汝南縣綜觀

諸說咸和置僑郡為先太元省沙羨有汝南實土次之義熙徙
江夏郡治在後塗口即今金口距夏口六十里江夏郡治夏口
是南實則同治也但沙羨不在汝南其地為汝南矣故沈志先書
自臨嶂移理夏口是與郡同徙宋孝武分立齊梁陳因之齊移
鄂州於沙陽鄂州則鎮夏口先書沙陽郡同理齊梁陳因之齊移
郡治於沙陽鄂州則鎮夏口先書沙陽郡同理齊梁陳因之齊移
置鄂州梁分置北新州尋又分北新立土富洞泉豪五州而江
任約所敗欲入定州不果將至汝南西魏所置魏遣楊忠馳
素綸故吏也開門納之既而綸將至汝南西魏所置魏遣楊忠馳
救安陸襲陷汝隋廢汝南縣置江夏縣為江夏郡治屬荊州刺
南殺綸是也隋志舊置江夏郡開皇三年廢郡改置鄂州大業中
史改州為郡復置江夏郡治江夏縣按有江夏縣自此始即今
縣也舊志云隋江夏始唐仍之為鄂州及鄂岳觀察使理所屬
治塗口開皇中移今治江夏郡武德四年平蕭銑改為鄂州天寶
江南西道舊唐書為江夏郡乾元元年復為鄂州永泰後置岳
鄂觀察使領岳鄂斬黃四州元和五代屬吳南唐保太十二年
中為武昌軍節度均治江夏縣鄂州於梁唐時屬吳武昌軍
分江夏為永安縣五代史職方考鄂州於梁唐時屬吳武昌軍

光緒湖北輿地記

徐知誥始篡吳也文獻通考言鄂州唐末屬湖南馬氏後入南
唐按唐末鄂州為杜洪所據天祐二年楊行密攻取之天復三
年馬殷遣兵襲江陵陷之軍還遂取岳州天祐三年淮南攻拔
岳州明年復為馬氏所取是馬氏疆域止於岳州鄂州本自屬
吳也今從五徵發調賦動經汝甸唐安歷二年割金城豐樂宣化
等鄉置鎮偽吳乾貞三年改為永安場偽唐保太十二年升為
縣按永安即自咸甯吳分置蒲圻與今同沙州縣仍舊屬湖
陽南唐分置永安而江夏疆域始與今同宋州縣仍舊屬湖
北路安撫司改為東西路二年罷東西路仍分爲南北路安撫
司北路治鄂元仍舊為武昌路及湖廣等處行中書省治所
尋治江陵元憲宗末年世祖南伐自黃州陽邏泱橫橋梁貫鐵鎖
地理志元憲宗末年世祖南伐自黃州陽邏泱橫橋梁貫鐵鎖
至鄂之白鹿磯大兵畢渡進薄城下圍之數月旣而解晏然即
城降自是湖北州郡悉下是年立荆湖等路行中書省大德五
年以鄂州首來歸附又世祖親征明仍舊為武昌府及湖廣承
之地改武昌路而江夏縣為倚郭志太祖甲辰年二月平陳理置湖
宣布政使司治所廣等處行中書省改武昌路為武昌府洪武
九年六月改行中書省為承國朝因之康熙三年為湖北布

政司治所

疆域

廣五十七里縱一百十四里至 京師陸程二千八百八十五里東至武昌縣界五十三里西至漢陽縣界四里南至咸甯縣界一百又六里北至漢陽縣界八里東南至咸甯武昌二縣界一百一十八里東北至黃陂黃岡二縣界四十九里西南至嘉魚縣界七十八里

天度

附日出入

緯度北極出地三十度三十二分二十八秒經度距 京師中綫偏西二度十五分

冬至日出卯正三刻十四分二十秒日入酉初初刻四十秒晝四十刻一分二十秒夜五十五刻十三分四十秒夏至日出卯

光緒湖北輿地記

三

初初刻四十秒日入酉正三刻十四分二十秒晝五十五刻十三分四十秒夜四十刻一分二十秒

山

省垣正支自咸甯北迤至縣南百二十五里之鞞山入縣境鞞山東北曰港潮山有小水西流入賀勝橋水其東有金雞山支

山

金雞山在港潮山之東自金雞山東北曰艾家觜山又北曰獅背頭山又北曰青子山又東北曰呂冠山又西北曰黃陵山臨梁子湖又北渡水曰橫山此張橋湖四海橋兩汊間支山也

港潮山之西北曰王家腦又東北至柳家畝之南西有萬壽山

支山

萬壽山在柳家畝西南分二支其西北支曰打鼓墩又西曰象山又南曰獅子山均西臨嚴祝湖其西南支曰牌坊嶺又南曰高山洞又分二支其東南支過劉家灣至孟家背南臨黃塘湖其西南支過徐家灣至鄧家畝南臨黃塘湖又西南渡水曰鄧家洲此黃花橋水以南黃塘湖以北諸支也又北至柳家畝黃花橋水出其西易家橋水出其東又北曰仰天池山山顛有池爲二水源西南流者爲蘭子橋水東北流者爲四海橋水又西北曰岳公山宋岳忠武征楊么屯兵處也東有黃英山支山

黃英山在岳公山之東其東南支曰葛家山南臨四海橋溪東北支曰張官山又分二支東北曰鳳凰山北臨仙人湖又北渡水曰螺山一曰仰天螺其東南支曰青山背亦東北

光緒湖北輿地記一

十四

臨仙人湖此仙人湖溪以南四海橋溪以北諸支也

岳公山西南曰馬鞍山仙人橋水出焉產煤有官煤窰西南有磨子山支山

磨子山在馬鞍山西南又西南曰金山又西南曰胡家背又南曰張斯背南臨白泥湖溪又南渡水曰湄湖洲此上試湖以南嚴祝湖以北支山也

馬鞍山西北曰橫隄山西有毛嶺支山

毛嶺山在橫隄西南又西南曰龍慶山又西北曰大小雁背山又西北曰貴子山又東北曰獅子山北臨魯湖此魯湖以南上試龍慶兩湖以北支山也

橫隄之北曰魚廠又北曰白泉山又東北至嚴長春北東南有黃姑山支山

黃姑山在嚴長春東南高橋水出焉又東曰陳家院又東曰三仙寺又南曰楊樹背南臨仙人湖此新店汊以南仙人湖以北支山也

嚴長春西北曰坐山西南有胡家灣支山
胡家灣在坐山西南又西南曰余家洲南臨魯湖別澗載浦湖又西南渡水曰虵嶼山此玉益湖以南載浦湖以北支山也

坐山之北曰鴿子山一曰个字山言山中水分如个字形也西有鑼鼓山支山東有大覺山支山

鑼鼓山在鴿子山之西又西北曰祁家嶺又西北曰雨壇山又西北曰東山東臨張又湖此山門湖以南玉益湖以北支山也大覺山在鴿子山之東少北甯港水出焉又東曰香山

光緒湖北輿地記一

五

又南曰將軍山有小湖甯港別源也又東南曰冠山又東北曰黑山又東曰靈山分二支北支在靈山東南曰譙家背臨梁子湖南支亦在靈山東南曰張王廟又東南曰金家邊又東曰大背頭又東南曰蕭明背臨梁子湖金家邊東南一支曰檀樹背臨梁子湖此甯港以南新店汊以北支山也鴿子山北少東曰賀官山又北曰清官山又北曰胡家山又北曰龍頭山西北有拈皮山支山

拈皮山在龍頭山之西又北曰八分山省垣對山也望之如列屏建康錄武昌有山無林政可圖始不可居終山分八字數不及九說者謂卽指此八分山之西南曰香爐山又西南曰石壁山又西北曰夜泊山又西南曰長山又西曰程東山又西曰舒家山分爲二支西南支曰茶山又西南曰烏龜山

又南曰鐵井山又南曰坐山又西曰老虎山又西曰羽冠山
又西北渡塗水曰赤磯山西臨大江卽水經注所謂赤壁山
也舒家山之西北支曰萬家山又分二支西北支曰金剛山
又北曰謝山又西南曰紗帽山又西曰金磯山卽驚磯山寰
宇記言西南俯臨大江下有石磯波濤迅急商旅驚駭故以
爲名又北曰牛頭山又北曰龍床磯此魯湖以北八分湖神
仙湖以南支山也按水經注於塗口至沔口所言江南岸山
自雞翅山以下則無山矣今金口以下南岸山實盡龍床磯
寰宇記雞翅山在金水北十里今龍床磯南距金口僅十里
耳是龍床磯卽雞翅山也寰宇記於雞翅山下又云昔有金
雞飛集此山入蜀記有金雞汎言不甚高而石皆橫裂如累
層巒則雞翅以金雞得名金雞汎似卽雞翅山也萬家山之
東北曰熊家觜觜北曰白馬山居野湖清甯湖之間觜東曰
豹子山又東曰石子嶺又北曰白木嶺此又八分湖以北黃
家湖以南支山也

光緒湖北輿地記

六

龍頭山之東曰青龍山東北有小坳支山

小坳山在青龍山東北又東北曰六老山又東北曰花山又
北曰大黑山又北曰狗湖觜又東曰麻雀觜又東北曰帽梁
山亦作帽梁山西北臨湯孫湖此五里界湖以西紙坊湖以
東支山也

青龍山東南曰石人山又東南曰東陽山又東南曰馬鞍山東
南有均山支山

均在馬鞍山東南又東曰張元山又東南曰商家山又東
曰獅子山又東南曰毛岡觜此甯港以北三眼橋港以南支

山也

馬鞍山東北曰官家畷又東北曰護國嶺又東曰羅衣山又東北曰錦繡山東南有南觜支山

南觜在錦繡山東南又東曰龍潭觜又東南曰鐵爐觜又東曰汪家嶺汪家嶺之北曰大牛山臨後湖又西渡水曰小牛

山汪家嶺之東南臨梁子湖渡水曰野豬山又東南渡水曰靜山又東南渡水曰梁子山入武昌縣界汪家嶺之東即曠

林觜南北東三面臨湖此後湖以南梁子湖以北支山也錦繡山東北曰萬家嶺又西北曰瓊嶺又北曰東湖壩又北曰鐵鋪嶺又東北曰豐禾山東北有祁家山支山

祁家山在豐禾山東北又東南曰天馬山又南曰夾山又東北曰小靈泉山又南曰玉屏山又東北曰大靈泉山縣高山

光緒湖北輿地記一

七

也有泉遇旱禱求輒應北臨吳塘湖靈泉之東南曰高家嶺又東南曰吳家嶺又東臨湖爲武昌縣界此後湖以北吳塘湖以南支山也

豐禾山之北曰曹王山又北曰次古山次古山之西曰油坊嶺次古之北曰螃蟬山又北曰胡家山其西有廟山支山其東有荷葉山支山

廟山在胡家山之西北又西曰官山轉而南曰黃屯山吳將黃蓋屯軍處也又西南曰天山寺又西曰太山寺此南湖以南湯孫湖以北支山也荷葉山在胡家山東北又東北曰寶蓋峯又東曰象鼻峯又東曰九峯山縣之高山惟九峯與八分靈泉相望鼎峙諸峯羅列似兒孫也九峯分三支其東支曰丁管峯又東曰八疊山又分二支其南支曰長林山又東

南曰雷山又東南曰黃皮嶺又南曰暴虎山又西南曰昆侖山南臨吳塘湖八疊山之東曰高觀山入武昌縣境高觀山之南曰鼓鳴山高觀山之東曰磨山轉而北曰順心嶺又北曰白澗山卽水經注之白虎磯轉而東曰白鹿磯元忽必烈自陽邏洑橫橋梁貫鐵鎖渡江處也又東曰神人山又東曰石龜山又東曰長觜山又東曰兔子山又東南曰磧磯又東南曰黃柏山又南曰杜家山百家山又西曰金雞山又西至吳塘湖中有峒山此高觀山一支實武昌縣長港以北支山也九峯北支曰童家山童家山之東曰如意山又東曰秀山又東曰金雞山童家山西北曰戊子山戊子山之西曰陽邏山戊子山之東北曰豎旗山又北曰龍骨山又西曰白羊山又西曰花山又西北曰老坳山又西北曰藤子山此巖東巖

西兩湖開山也九峯西北支曰烽火山梁將侯瑱伐齊屯兵於此舉火相應故名又隋書地理志江夏有烽火山卽此又西北曰黃柏山又西北曰鼓架山又東北曰玉岡又西北曰白玉山又西北曰石山又西曰油坊嶺又北曰青山北臨大江此郭鄭湖以東巖西湖以西支山也

胡家山之北曰大呂山大呂山之東曰吹笛山大呂山之北曰夾山大呂之西曰喻家山其北有來王山支山

來王山在喻家山之北又北曰風斗山又東北曰磨兒山北臨郭鄭湖此廟湖以東喻家橋汊以西支山也

喻家山之西曰東湖門築堡爲省東險隘以南臨南湖北臨廟湖水漲僅中通一路故築堡跨之東湖門之西曰卓刀泉山有名泉世傳關壯繆卓刀處卓刀泉之北有分支曰羅家山卽羅

伽山北臨郭鄭湖卓刀泉之西曰白魚山卽鉢孟山又北曰洪山舊名東山又西曰雙峯山一曰白鶴山雙峯之北有分支曰紫荆山北臨沙湖俯瞰城東北隅明太祖駐師處也自雙峯西入城曰高觀山又西曰黃鵠磯臨大江水經注所謂林澗甚美者此江夏幹山也

水

江水自嘉魚縣東南流至縣西南八十里之上沙沱入縣境東北流十里逕下沙沱西又北少東流十五里逕赤磯山西北赤磯山卽水經注之赤壁山也赤磯山南下沙沱北江岸之東有南陵湖當卽水經注之聶口江浦聶口爲江隄所障故今南陵湖水南自大新口注塗水耳江水又東北流八里至金口有塗水南自咸甯縣北流匯諸水爲斧頭湖北流爲長港來注北岸

光緒湖北輿地記一

九

卽漢陽之大軍山也江水自上沙沱至赤磯山南轉而東至羽

蓋山西橫接長港東岸皆築隄禦漲

塗水一曰金水源出咸甯縣南北流入斧頭湖別見咸甯篇茲敘江夏水出金口者賀勝橋水出咸甯縣東北三十六里石門山東麓西北流五里逕孟家灣東又西北流十五里逕青山西又西北流五里逕朝山西入江夏縣界有港湖山水自東來注入界處在省城南偏東百里旣受港湖山水轉而西流六里逕賀勝橋又西少南流三里入黃塘湖實斧頭湖之別澗湖南岸爲咸甯境北岸則江夏境也傍北岸西北池三里至陳家灣又西南迤七里至牛頭背背南對咸甯之余家灣約四五里也又西南迤五里至孟家背兩背間曰木蘭塘塘北匯兩漢西漢北匯六七里及李師東漢東北匯六七

里及艾家灣兩汉口間曰秦家背南偏東距牛頭背四里西
南距孟家背七里秦家背南卽木蘭塘也又自孟家背西少
北池四里至鄧家畝背兩背間曰三角澗北匯八九里及高
山洞南又自鄧家畝背西北池五里至白泥湖背兩背西去
岸一二里許水中有洲曰鄧家洲西北至東南亘約五里廣
半之又自白泥湖背北池五里至獅子山南背背南卽白泥
湖也背西有嚴祝湖受諸水來會嚴祝湖水出城南偏東八
十里之仰天池也出二嶺
東北流者爲入梁子湖之四海橋水西南流者卽嚴祝水也
嚴祝水西流四里有小水東北自老屋澗來會又西流四里
逕蘭子橋故亦曰蘭子橋水又西南流四里逕孫家灣北
又西南流六里爲嚴祝湖有黃花橋水自東來注黃花橋水
出柳家畝西南西北流逕黃花橋又西北流逕艾家橋又西
北分爲二支北支西流又西南流與西北支會南支西南流逕
大橋又西南流逕打鼓墩北又西流與北支會又西南流至
象山西北入嚴祝湖嚴祝湖又南匯四里逕獅子山西又南
匯四里入又自獅子山南背西匯渡嚴祝湖口三里至張斯
白泥湖

光緒湖北輿地記一

三

背背南去岸二里許水中有洲曰湄湖洲南北長二里廣一
里略如三角形也又自張斯背西少北匯二里許至盤蛇背
兩背間有湖私澗北匯約三里盤蛇背南對咸甯之龔家灘
約二十餘里池西爲斧頭湖又自盤蛇背北匯十二里至蘇
公山山在水中中南岸背僅半里北距大地約二里山東北
匯上試湖西匯龍慶湖上試湖自蘇公山東北匯十一里其
南岸凡五溪西匯略長闊南匯約四
五里汉口廣如之北岸凡二小凡五溪龍慶湖略長闊南匯約四
匯約七八里繚繞斧頭山麓西北匯約五里西北隅有支津
西出焉上試龍慶兩湖均北倚大地東自蘇公山西南匯三
西會於蘇公山下南注斧頭湖者也
里有港西南出港兩岸皆蘆葦平沙北距龍慶湖南距斧頭
湖均不過里許蓋水漲則漫衍爲湖水落始出平沙成港耳
又自港口西南迤七里背背北出與蘇公山西南三里之港
會名曰長港蓋斧頭湖北出之正流也按斧頭湖東北跨江

夏西北跨嘉魚南跨咸甯入湖之水其著者以出咸甯南山之塗水爲巨塗水之西有汀泗橋水咸蒲之界水也有嘉魚水嘉蒲之界水也二水皆入西良湖亦斧頭西偏之別解也塗水之東有紫潭湖水黃石橋水皆在咸甯境賀勝橋水則出咸甯行江夏以入湖者也斧頭湖出江之港口凡二西港曰嘉魚港在嘉魚境自西良湖之淨保北出至江夏法泗洲南仍入長港東港卽長港也故塗水下游當以長港爲正流長港既會蘇公山西南三里之港西北流二里有支津西出五里入嘉魚港長港又北依斧頭山西麓流入里有龍慶湖西北隅支津西流四里來注長港又西北流四里至大平洲西北有嘉魚港自西南來注嘉魚港出嘉魚縣東少北三十里之港也自三夾潭北流三里支津曰韓家實西良湖北出三里南受後湖港又東南注入里至吳王廟北入斧頭湖嘉

光緒湖北輿地記

魚港既出支津又東北流二十里至上官壩西南入江夏境與長港西出五里之支津合嘉魚港至此爲江夏嘉魚界又西北流二里轉而東北流一里逕下官壩南又東北流六里有支津西北流爲江嘉界七里逕高壩頭之西又西北流三里逕桑家邊之東又西北流八里逕遊仕邊之西又西北流五里入嘉魚之流頭湖嘉魚港既出支津又東北流二里入長港

長港既會嘉魚港又西北流三里至法泗洲西有公子港

北通魯湖水來會魯湖之極北岸省城南偏西四十里有李馬橋橋有小水出橋北舒家山麓東南流

二三里入魯湖自李馬橋水口東南池三里至遊方背背南有小溪約五里又自遊方背背南池七里至新屋背背南有東匯約五里又自遊方背背南池七里至新屋背背南有南渡漢口凡三里至東山背背外又曰張也湖又自新屋背背南池入里至玉盆湖北背背北有漢東北匯約五里背背南卽玉盆湖北匯七里東南匯六里寶魯湖之東渡也玉盆口外卽魯湖蓋全湖最闊處又自玉盆背背東南渡玉盆湖口凡三里至羅家灣又南迤五里至余家洲卽載浦湖北背背浦東匯長漢六里又東北匯一漢東南匯二漢狀略如掌指形載浦口西有彭嶼山自余家洲渡載浦口南池西又曰張誠湖亦隨地異名耳又自余家洲渡載浦口南池西又曰張浦湖北背背玉浦解東南匯十里北背背至南背背四里爲玉浦解口自李馬河口至此魯湖東岸也又自玉浦南背背轉而西北池六里至葉家灣中間二東南匯者曰張家解長三里西

南匯者曰六尺濶長四里又自葉家灣西少南池二里至劉家邊有支津西南出獅子山貴子山東南麓六里注公子港又自支津口西池二里至獅子山北麓轉而北池四里有港南出卽公子港也此爲魯湖南通長港之口又自公子港有西南池四里至高家墩墩在水中南距岸僅里許墩東南有漢南匯二里自玉浦解至此魯湖南岸也又自高家墩西北池十四里至太新鋪東北之背又轉而東池五里有支津曰王家河四里出四里入長港此魯湖北通長港之口也自南偏東去岸三里有香爐山東西亘三里廣二里又自王家河口西北池三里轉而北池五里至黃龍潭背背西有小汶西北匯又自黃龍潭背西北池三里至張又湖北背背南有小汶西背背南有汶西北匯三里又自山門西背東北池三里至何家灣又西北池四里至李馬河口自高家墩至此魯湖西岸也北自李馬河口南至劉家邊支津口凡三十里爲魯湖南北極數東西極數此魯湖之大略也公子港自魯湖南出三里逕獅子山西又西南逕貴子山西三里轉而南流二里與劉家邊支津會又西南入長港

長港既會公子港西北流五里轉而東北流三里逕李家墩西又西北流十里逕大新鋪西又北流二里有自西之小水東北流北會大新口之南陵湖水

光緒湖北輿地記

三

東南流來注南陵湖南北約十二里東西約八里西北二方皆傍江隄南出大新口入港東南流二里許注長港也長港既會南陵湖水又東北流五里轉而東南流三里曰馬蹠口又轉而北流三里會東南自魯湖北出之王家河支津又西北流十二里逕羽冠山西江隄東又西北屈曲流十里逕金口司西卽江左汝南縣故治也又北流二里入江卽塗口也江水又東北逕金磯山牛頭山龍床磯之西北小軍山之東南流三十里逕沌口南沌口見漢陽龍床磯卽水經注雞翅山也又東北流二十五里至城西南鮎魚套有巡司河水自南來注自龍床磯至此均築隄禦漲隄北端在鮎魚套東南三里北接巡司河南岸也

巡司河北受江水南匯羣湖水經注所謂江水右池謂之驛

渚是也巡司河之李家橋在城南二十里橋以北爲港以南皆湖湖之東南皆山勢縣亘故巡司河所匯之湖不與山南山東之魯湖梁子湖後湖通城東南三十六里有十板橋橋臨小水出豐禾山西麓西北流二里逕十板橋又西流五里至譚家灣南入湖曰榜湖自譚家灣西南池四里至獠牙觜中有兩小汊東南匯自獠牙觜西匯六里至冒梁山觜兩觜間匯爲兩汊東近獠牙觜者曰西湖壩漢南匯約八里卽水溢通東湖壩處也西近冒梁山者曰五里界湖南匯約九里兩汊外曰廟山湖又自冒梁山觜西南池五里至麻雀觜中有汊東南匯約三里自麻雀觜西池四里至狗湖觜北卽湯孫湖爲湖面最闊處自譚家灣至此湯孫湖南岸也觜西有汊曰紙坊湖東南匯三里逕八分觜又南匯四五里至關財

光緒湖北輿地記一

三

觜西南近紙坊市矣又自狗湖觜西南渡紙坊湖口五里至張公渡紙坊北達省城津要也兩岸距約二里築隄爲橋通之渡東爲湯孫湖渡西則八分湖也自張公渡依八分山香爐山夜泊山北麓西南池十五里八分湖南岸也又轉而西北池五里至仙姑潭觜觜西南有汊西北匯三里又自仙姑潭觜北池四里至八分湖西北觜轉而東池依豹子山南麓十五里至北張公渡八分湖北岸也又自北張公渡東池四里至香木觜傍湯孫湖東岸香木觜北有二汊西南匯自香木觜北池八九里至巡司河口西北去里許卽李家橋矣自譚家灣依榜湖北岸西北池三里有汊東北匯及水廟觜長約七八里又自汊口西北池十里至募基墩觜觜南有汊東匯約五六里又自募基墩觜西北池四里至南湖港口中間

有二小汊東匯港爲湯孫湖北通南湖處南北長約里許自港口西迤五里至李家橋南自紙坊湖北至南湖港十八里爲湯孫湖南北關東自譚家灣西至柏木嶺下十六里爲湯孫湖東西闊廟山湖實湯孫湖之西澗也八分湖東西長十六七里南北僅五六里耳湯孫八分諸湖水既注李家橋曰巡司河自李家橋北流四里有港西通黃家湖黃家湖南北四五里湖東岸距巡司河僅一二里通巡司河之港適當東岸之中西岸爲地背南自約子山麓北伸距北岸僅二里許黃家湖西通清甯湖北之口也清甯湖在黃家湖西南北僅六里東距約七八里白馬山背北伸距岸僅半里許爲港有橋通之曰老橋老橋清甯湖西南通野湖之口也野湖南北約五里東西約二里東岸距白馬山背西岸亦地背自南姑潭北伸出北距岸僅半里許爲港野湖西北通野湖道士湖道士湖西北連郭家湖東西約五里南北三四里郭家湖西南岸亦地背西北伸出距北岸約五里許郭家湖西通神仙湖之口也神仙湖北有北西匯約方三里名曰西湖爲巡司東南匯約四里

光緒湖北輿地記

河以西諸湖極西處自黃家湖至西湖南岸則地背伸出分爲羣湖北均倚江隄爲岸自東北至西南迤共三十五六里也水經注雞翅山東卽土城浦按龍床磯卽雞翅山今神仙湖在龍床磯之東當卽土城浦也巡司河又北流二里有和尚橋港東通南湖長約二里又北流二里逕天平架之西又西北流二里逕蕎麥屯之東又東北流四里有

長虹橋港受南湖水來會城南十五六里有梳子橋橋臨魯流三里入南湖自魯家港口南迤三里至龍王廟有小汊東匯及官山麓又自龍王廟西迤入孫轉而南迤六里至此山寺南岸也又自港口西北迤五里至和尚橋港西通巡司河又自和尚橋港北迤九里至長虹橋港口自湯孫湖港口至此南湖北迤八里至魯家港口傍南山南湖北迤三里至龍王

背西北迤九里至長虹橋港口南湖水既入長虹橋港西北注二西迤四里至長虹橋港口南湖水既入長虹橋港西北注二里逕長虹橋又西巡司河既會南湖水又西北流四里至鮎

魚套入江

江水又依城東北流五里又東北流五里許逕漢口東卽水經

注之沔口也

漢水見瀕漢諸縣

又東北流少許至塘角有支津出南岸東流二里許入江支津亦曰新河也江水又東北流二十五里逕青山北有港通郭鄭湖沙湖青山之北有洲橫亘江中曰天興洲東西約十里分江流爲二南曰青山夾水落巨艦阻滯均由洲北行洲東頭北岸卽沙口沙口亦曰沙武口北承武湖水卽水經注之武口也水經注曰武口南至武城俱入大江南直武洲洲南對楊桂水口江水南出也通金女大文桃班三治吳舊屯所在據此則武洲卽天興洲楊桂水口卽青山港口也今江水南出青山港口通沙湖郭鄭湖漫衍及東湖門孟橋等處則所謂金女大文桃班者當在郭鄭諸湖旁也

城東三十里有孟橋橋臨小水出孟橋南三里北流四五里至吹笛山東匯爲湖漢轉而西北匯依大呂山北麓六七里

光緒湖北輿地記一

三五

至夾山北有漢南匯五里及喻家山東漢有橋曰喻家橋又自夾山北匯四五里至大廟背之西北查家廟之南有漢東匯三里及尤家廟又自查家廟南轉而西匯曰劉曹港逕磨兒山北四里至易家背入郭鄭湖湖面漸闊矣又自易家背南渡劉曹港口西南池六里至風斗山背背西有別澗曰廟湖南匯五六里及卓刀泉山下又自風斗山西渡廟湖口凡二里西北池二里至羅家山北有別澗曰水口湖西南匯四里許又北渡水口湖口東北池六里至吳王廟東又東北池七里至青山港口北流至青山入江之港也自易家背傍郭鄭湖東岸北池七里至棠林湖背棠林亦郭鄭之北澗也有漢東北匯約三四里漢北有龍王廟又自棠林湖背西北池二里許至青山港郭鄭湖南北約十七八里東西約七八里

郭鄭湖既入青山港北流二里有白羊湖港受白羊湖水自東北來注

白羊湖僅方二里西南入港行二里注青山港

青山港既受白羊湖水又

西北流里許有沙湖港西南受沙湖水東北來注

沙湖又曰余家湖西

南自城北門外東傍紫荆山北東北匯凡十四里入港又東北六里注青山港沙湖東西闊不過三里

既受沙湖水又東北流十里至青山西麓入江

江水又東流二十五里逕黃岡縣之陽邏司南轉而東南流二

十里有東西兩港通嚴東嚴西湖港口卽水經注之李姥浦矣

白澗山江夏武昌之界山也東北臨江西北有二港一曰東

港一曰西港東港南通嚴東湖西港西北通嚴西湖與北湖

嚴東湖在縣東四十里湖東北隅有羅家觜東北距白澗山

下約三里自羅家觜傍湖東岸南池五里至滾子汊又傍湖

南岸金雞山秀山如意山麓西池十二里至童家山下又傍

光緒湖北輿地記

三

湖北岸西北池十里至龍骨山東有汊傍龍骨山北西北匯

六里水漲與嚴西湖之小汊通又自汊口東南池二三里至

東港口卽羅家觜北也湖水既入東港東北流四里注江嚴

東湖東西十二里南北八里嚴西湖在縣東少北二十六里

之鼓架山下鼓架山北有汊西匯約四里汊口在鼓架山東

里許汊口東對雷家渡二里湖自此池南匯西南及彭家觜

東南及許家墩均五六里又東北匯六里至寨山南有汊東

北匯三里又自寨山南東南匯三里轉而東北四里又轉而

東南匯四里爲港有小汊西南匯約里許又自汊口東里許

有港口北通北湖水

縣東北三十二里有白玉山山北有港自魯家祠旁東南注四里入北湖港口

在湖西岸北偏湖南北十二里東西五六里四岸皆平沙水漲則漫愆愈廣矣湖南有港南注二里入嚴西湖港嚴

西湖港既受北湖水又東南注里許有小汊南匯約二里港

又東注二里曰西港有小汊南匯二三里水漲南通巖東湖之龍骨山汊西港又東注二里逕吳家橋橋東南有老虎石西港又東注三里轉而東南注六里入江東西兩港至入江處實合爲一

江水又東南流四里至白澗山麓入武昌縣界白澗山卽水經注之白虎磯山北江中之木鵝洲卽晉劉毅破桓元之崢嶸洲也

南橋水源出咸甯縣東北三十七里之虎形山

山北卽江夏縣界

麓東南流過周家灣南又東流過陳家窰南行五里入江夏縣境北偏西距江夏縣一百又五里又東北流三里逕鼓行山之西金雞山之東又東北流二里至南橋又東北流五里轉而東南流二里有小水自南來注又北流二里至夏家觜

光緒湖北輿地記

卷一

西北爲湖汊汊北爲艾家觜與夏家觜南北距約二里湖水自夏家觜東匯至夏家馬頭西北有符四橋水南自符四橋西北流會自西南來之小水又西北流逕張橋又西北流至夏家馬頭西北來注約行十里夏家馬頭西距夏家觜約二里卽符四橋水口也又自夏家馬頭北匯三里至艾家觜之東佛山觜之西兩觜東西距約二里其北有官隄洲橫亘洲東西約二里南北一里懸絕湖中南距兩觜岸約里許也洲北卽張橋湖又自佛山觜東北池二里至管山觜觜西有佛山水東自武昌縣界西北流逕佛山橋至佛山東北麓會自南來之大平橋水又西北流來注約行十五里又自管山觜北池二里至方家觜管山觜北方家觜南有二小水南曰踏波橋水東自武昌縣界西流至管山觜北來注約行十里北

曰義橋水東自武昌縣界西流至方家嘴南來注約行六里又自方家嘴北池四里至大頭嘴西有小洲南北亘水中嘴北有毛氏橋水東南自武昌縣界西北流來注約行十里大頭嘴西距對岸之瓦窰嘴約四里又自大頭嘴東北池五里至蘆嘴嘴北有小汊東北匯三里及武昌縣界之玉皇閣蘆嘴西距對岸之鴉頭嘴約四里又自蘆嘴北稍西池六里至燕子山考嘴之西北嘴也山之西有龜山南北亘水中東距山岸不及一里山之北有小水東南自考嘴北流爲匯來注約行四里燕子山西距對岸呂冠山岸約四里又自燕子山北池四里至陳絲馬頭有小水自東北來注約行五里又西北池六里至烏龜頭北有易家塆汊東匯約四里漢口有獨山小龍頭龍王頭三小山均不過方一里羅列水中不相

屬也獨山南距烏龜頭岸約里許烏龜頭嘴西南距對岸東嘴約五里又自烏龜頭北池六里至穿山穿山南嘴北湖中小山也南距南嘴岸約里許南嘴西距西岸之蕭明嘴約六里西北距北岸之北嘴約五里南北嘴爲津渡要處池東湖面漸闊爲梁子湖也又自穿山東南池六七里至槐安寺嘴嘴西有汊東南匯約四里又自槐安寺嘴東北池十里至武昌嘴東抵武昌縣界北臨湖自夏家嘴至此實江夏縣竟梁子湖東南岸也武昌嘴東北里許爲香爐山東北至西南約二里香爐山東北二里爲梁子山南北二里東西四里湖中間闌也梁子山西北一里爲靜山西北至東南約二里梁子香爐兩山屬武昌靜山屬江夏靜山北距北岸之曠休嘴約七八里也湖水又自夏家嘴北池二里至艾家嘴其北有汊

西匯約二里又北池三里至烏絲頭觜東南水中里許卽官渡洲也又自烏絲頭觜北池八里至瓦窰觜其北有二漢西池南漢長四里北漢長二里又自瓦窰觜東北池四里至鴉頭觜其北有漢西少北匯約五里又北少西池十里至東觜呂冠山北臨湖之觜也其西有漢南匯約三里又西少北三里至橫山在黃陵觜北水中約方里許南距黃陵觜岸僅半里也自黃陵觜西匯三里至陳家觜兩觜間爲石塘觜漢自西南來會之口石塘觜漢所會之水稍大者曰四海橋水源出城南八十五里之仰天池池踞阜巔二源分注西流者爲蘭子橋水流入斧頭湖東流者卽四海橋水也水自仰天池東北流三里逕降仙橋山坡通紙坊官路也又東流里許有過火橋水自西北會一小水東南流來注又東匯爲漢五里

逕四海橋又東匯五里至石塘觜北有合山口漢會三水自南來匯合山口漢三水一曰山嵐橋水出山坡司西北三里東流三里許逕山嵐橋又東北逕易家橋又東北流入合山口漢行十二里一曰陳界水出山坡司之南三里東北流過陳界之南又東北流會自南來一小水又東北流入合山口漢行十里一曰許家廟水出許家廟西南流轉而北流入合山口漢行六七里三水既會爲合山口漢東西廣約三里北匯六里許入石塘觜漢兩漢既會東西廣約五里北少東匯約十里入湖又自陳家觜北池三里至檀樹觜兩觜間爲仙人湖自西來會之口仙人湖水出城南六十里之白泉山東南流十里逕新市鋪北又東流二里至黃英山北會自新市鋪西南來之馬鞍山水又西流三里逕仙人橋水面漸闊爲

湖汊矣又東北流三里至阮家背西北會自西北來之新廟
汊汊上受西北自黃姑山來之高橋水西自李家灣來之韓
家橋水者也仙人橋水又東南流二里至鳳凰山北水中有
小山曰仰天螺又東南流二里至楊樹背東南會西北自新
店嶺來之長汊長十五里又東匯二里至青山背之北鵝頸
背之南曰仙人湖又東匯里許至渡船背南渡船鵝頸兩背
間有汊南北約二里渡船背距南岸之背僅里許其背西南
與青山背連仙人湖又東匯入湖又自檀樹背東北迤五里
至蕭明背二背間有汊曰楊家湖西北匯及於金家邊約十
里廣半之又自蕭明背東北迤八里至北背兩背間所匯之
汊尤紛歧源稍遠者曰甯港水西出城南五十里大覺山東
北流三里至郭鋪背有送子橋又東南流二逕香山東北又

東北流三里逕均山南轉而南流二里有池水西自將軍山
北東流來注又東流里許逕甯港橋又東少南流二里逕靈
山北又東南流五里至毛岡背東南有三眼橋汊西北自謙
家背東南迤逕太平橋又東南逕獅子山東又東南逕三眼
橋又東南至毛岡背南會甯港水行十里又自毛岡背東南
迤四里至杜烏背西其西匯者曰鄭家溝又東南二里至謙
家背東謙家背北有汊西匯約二里謙家背南對大背頭約
四里中間有汊西北匯約八里杜烏背東對南連北背之夏
家背約三里中間爲田子澚北受姜公背三小汊南匯與甯
港大汊會甯港既會諸汊自謙家背東南匯八里至蕭明背
北北背南入湖又自北背東迤十里至烏杜背兩背間爲朱
楊澚澚爲海之支汊爲湖之支故汊亦名澚朱楊澚西北匯

約十里東南漸廣略如三角形又自烏杜背東北池四里至喻家背兩背間曰大夾澗大夾澗西北受二小水北曰高橋水南曰孟家橋水均東南流四五里入澗澗東南匯逕朱家祠之東又東南匯逕青旗背之南又東南匯北岸有三小澗北匯均不及五里又東南匯北岸有背南伸距南岸烏杜背不及一里爲澗狹處出狹有胡家澗北匯約三里又東有三澗澗北匯約四里卽烏杜背與喻家背間也而大夾澗自西北至東南殆十五六里耳又自喻家背東北池十二里至曠林背兩背之間有野豬山西距喻家背五里東距曠林背七里野豬山之西北有背東南伸與野豬山相距僅半里許於是野豬山與背相屬分喻家曠林兩背間湖爲二澗西南澗曰北湖長約五里東北澗曰前湖長約六里均無多歧澗也

曠林背南望梁子山約十里自夏家背至曠林背實江夏境梁子湖西北岸也江夏梁子湖自夏家背至朱楊澗爲南北最闊處計四十五里自龍泉里至梁子山爲東西最闊處計三十四里曠林背之北爲後湖亦曰牛山湖因大小牛山而名也湖東通梁子湖實梁子湖別澗隨地異名耳於是自曠林背北垂西少北池十二里至北塘背逾背南至野豬山之西北澗僅里許又自北塘背北少東池六里至大牛山自大牛山轉而西池五里至小牛山小牛山矗立水中東西亘約二里南北半之東距岸僅里許南距岸約二里耳小牛山之南少西二里有東澗橋水西南自東澗橋東北流會自西南來之羅家渡水北流來注約行七八里又自東澗橋水口西少南池約六七里至龍潭背背西匯爲小澗小澗之北匯爲

長漢西北漫及楊陳隄約六七里漢口北爲騰鳳背東南距龍潭背約二里又自騰鳳背西北池八九里至檀樹背湖面南北漸狹距北岸大背僅三里又自檀樹背西池五里至東湖壩中間凡三小漢西南匯自曠林背至東湖壩實後湖南岸也東湖壩西逾三壩店至西湖壩漢僅二三里西湖壩漢北注廟山湖湯孫湖西北達巡司河至鮎魚套入江東湖壩東注後湖梁子湖東北達長港至樊口入江夏水甚漲西湖壩水恆溢入東湖壩可通舟楫水經注曰江之右岸當鸚鵡洲南有江水右池謂之驛渚三月之末水下通樊口水按驛渚當卽鮎魚套謂水下通樊口水當指西湖壩水下通東湖壩也又自東湖壩東北池五里至後湖之極西北漢北倚山麓有村落曰小聞家又自極西北漢東南池六里至大背背

之東有漢北匯約四里又自大背東少南池五里至方家背背之東有漢西北匯約六七里又自方家背東池十里至南對大牛山之背背之西有三小漢北匯長者不過三里背之東有漢北匯稍闊又自南對大牛山之背東南池十二三里至分水嶺爲武昌縣界自東湖壩至分水嶺實後湖北岸也自東湖壩至分水嶺爲東西最闊處計三十二里自北塘背至南對大牛山背東漢北岸爲南北最闊處計十四里自分水嶺北少東池爲武昌縣境五里至南塘口東北爲梁子湖北入長港處自南塘口北少西五里復入江夏縣界北卽吳塘湖亦梁子湖北段之別澗也於是自縣界西北池十里至樹塘背背南有漢西南匯自樹塘背西北池依大靈泉山北麓又西北依小靈泉山北麓又西北依天馬山北麓又西北

共二十里至祁家山東麓吳塘湖極西畔岸也自祁家山麓轉而東北池八里至劉家觜觜西有汊西北匯自劉家觜東池五里至盧家汎觜兩觜間有二小汊北匯自盧家汎觜東池三里至向家觜兩觜間卽豹子澗口門豹子澗北自城東稍南四十六里之長林山麓西南匯五里至鱖魚腦轉而南匯四里至豹子澗市澗東西廣約二里土人築隄爲橋以通往來自豹子澗市南匯二里有林家灣汊東北匯自林家灣汊口南匯四里至向家觜入湖又自向家觜東南池三里至汪家觜兩觜間有汊東北匯又自汪家觜東池四里至吳塘觜復爲武昌縣地向家觜吳塘觜中間凡兩小汊西北匯自祁家山麓至吳塘觜爲吳塘湖東西闊計二十八里自吳塘觜至南塘口西北入江夏界處爲吳塘湖南北闊計十五里

光緒湖北輿地記一

三

按江夏東南境之梁子湖實跨江夏武昌大冶三縣地東境之後湖吳塘湖實跨江夏武昌二縣地三湖相屬東北至武昌之樊口入江今敘其在江夏者

鄉鎮

縣有鎮市六鄉三里四十二屯六十五

金口鎮市在縣城南六十里紙坊市在縣城南六十里青山磯市在縣城東北三十里五里界市在縣城東南六十里法泗洲市在縣城西南一百二十里豹子澗市在縣城東南六十里鄉在城東者曰東鄉在城南者曰南鄉在城北者曰北鄉

東鄉有里十曰來蘇二曰來蘇三曰來蘇四曰夾山一曰夾山二曰夾山三曰上西一曰上西二曰下西曰長樂南鄉有里二十六曰三城一曰三城二曰三城三曰三城四曰積善一曰積

善二曰積善三曰依仁一曰依仁二曰依仁三曰湘東一曰湘東二曰湘東三曰龍泉一曰龍泉二曰龍泉三曰太平一曰太平二曰黃鶴一曰黃鶴二曰上鸚鵡一曰上鸚鵡二曰下鸚鵡
日修賢一曰修賢二曰修賢三北鄉有里六曰保安一曰保安二曰永豐一曰永豐二曰招賢曰橫山

東鄉有屯三曰廣埠曰來望曰東山南鄉有屯四十六曰金沙曰白沙曰柳林曰鷄鵝曰蕎麥曰又蕎曰上楊曰中楊曰下楊曰石渚曰老軍曰白眼曰長港曰高埠曰赤鯉曰扁子曰獅子曰雙曲曰高壩曰桂子曰桃林曰金口曰青林曰上沙曰下沙曰新隘曰孃孃曰稍水曰新保曰天平曰礮石曰石潭曰王子戶曰卧虎曰黃毛曰磨旗曰搭泊曰綠瓦曰官廖曰甫城曰八分曰靈泉曰下黃曰桐子曰腴膳曰豬坊北鄉屯十六曰草埠

光緒湖北輿地記

五

曰紅社曰枯樹曰皂角曰青山曰上八吉曰中八吉曰下八吉曰挂刀曰上張曰下張曰沙口曰窰頭曰弔尾曰龍坑曰雁林東路自縣城驛六十里至土橋驛又六十里至武昌縣華容驛西路自縣城一里至將台站又九里至漢陽縣南路自縣城驛六十里至東湖驛又六十里至山坡驛又六十里至咸甯縣咸甯站

北路自縣城總鋪十五里至孟城鋪又十里至橫山鋪又十里至青山鋪又十里至官屯鋪渡江十里至黃岡縣陽邏鋪

職官

知縣

縣丞

教諭

復設訓導

巡檢三員

一駐鮎魚套一駐山坡站一駐

金口

鎮

典史

城守參將

縣汛把總

貼防外委

總督駐此

督中營副將

都司

千總二員

把總四員

督左營游擊 守備 千總二員 把總四員

督右營游擊 守備 千總二員 把總四員

巡撫駐此 撫左營參將 守備 千總二員 把總四員

撫右營游擊 守備 千總二員 把總四員

提督學政駐此

布政使司駐此 經歷 照磨 庫大使

按察使司駐此 經歷 司獄

督糧道駐此 糧庫大使

鹽巡道駐此

武昌府知府駐此 同知 通判 教授 復設訓導 經歷

司獄

光緒湖北輿地記

五



